

# 三十年來燕京瑣錄

習菴漫筆

吾國數千年君主政制。辛亥川鄂事起。乃一變而爲共和。其原因至繁。而轉其樞機者。實惟袁世凱氏。世凱。道元。咸豐間曾任漕運袁甲三之從孫也。世凱於光緒初年。以同知赴津。持其世父保齡書。謁直隸總督李鴻章。意欲求一差。時合肥吳長慶帥淮軍三十營駐紮小站。李囑吳爲世凱道地。吳因派一小差。月薪二十金。未之重也。吳以儒將自命。好與當時文學之士交游。以故秦興朱銘。盤通州。張謇海州。邱心坦通州。范當世等。或爲幕賓。或爲食客。袁知之。乃執贄於張謇。稱弟子焉。自是

張晤吳時。每爲揄揚。久之。吳亦喜之。時時令其往來天津小站間。袁既得吳之驩心。事張之禮漸衰。張怒。一日謂吳曰。此子機詐百出。吾近已覺之。不可不防。吳曰。前譽袁者君也。今乃攻擊之不遺餘力。出爾反爾。君之謂矣。張語塞。居無何。袁以數奉差天津故。與李鴻章常晤。面頗短吳於李。是時吳所部三十營陸續爲李撤去。改歸他人統帶。最後吳部僅有十營。吳憤極。莫知其由。自是袁輒得保獎。由同知而知府。未幾以道員記名矣。光緒壬午。朝鮮內亂。丁汝昌等執大院君歸。李鴻章乃奏派袁爲駐韓理事官。加禮部郎中銜。袁居韓者十年。光緒甲午。朝鮮事亟。東鄰進兵。袁以關防交唐紹儀保管。自行回國。既至津。以天津河間兵備道胡燏棻之介紹入都。謁見軍機大臣李鴻藻。由鴻藻而謁督辦

軍務處大臣恭親王奕訢等言及東鄰蓄意開釁。其處心積慮已非一朝一夕。北洋大臣處。彼常有密報。不幸置若罔聞。今日事發。事前又一無準備。語時殊。愴慨激昂。朝臣大爲動容。戰端既開。吾國大受挫折。而袁乃自是扶搖而上。始則簡授溫處道。不到任而求小站練兵。未幾擢直隸按察使。戊戌政變。因康有爲而得候補侍郎。護理直隸總督。次年授山東巡撫。辛丑李鴻章病故。升調直隸總督。丁未入都。爲軍機大臣。外務部尙書。次年。孝欽殂逝。載灃攝政。乃以足疾爲詞。勒令回籍。按問棄散者三年。逮以鄂事起。舉朝張皇失措。乃不得不起用之矣。

袁世凱爲直隸總督。於財權所在。爭奪皆以全力。電報行政。京漢鐵路。招商局航業。則取之於盛宣懷也。開平礦務。則攫之於張翼也。張通州

人出身至微。其父死。有田數畝。驢二頭。少時善牧馬。醇親王奕環於馬市遇而悅之。命其入府爲馬監。積久。洊升爲醇王府總管。歷掌陵工。積賞富厚。有振興實業之志。以久在醇王府供差。故與內庭太監有聯絡。少雖不學。中歲後。更事旣多。識力亦有大過人者。所經營者。亦頗有高。掌遠蹠之概。非庸才也。初以道員在津。主開平礦務。投資於開平極巨。後授內閣侍讀學士。辛丑。隨同載灃赴德。加侍郎銜。

唐紹儀。香山人。光緒初年。由容闈帶赴美洲游學。回國後。至津。識袁世凱。袁赴朝鮮。唐隨之俱去。爲仁川理事官。在韓時。常以巨款接濟袁氏。甲午戰端始開。袁以關防交唐。而自回國。袁爲東撫。唐以道員充東省要差。袁升直督。唐爲津海關道。留美學生如梁如浩。蔡紹基。周壽齡等。